

Befehl Herzog Friedrichs.

ES sollen auch der Rat gemelter vnser Stad/die Wacht stadlich verordnen/ vnd denselben vorsichtigen befehl geben/ welcher vber die angesetzte stund des nachts auff der Gassen/ on redlich vrsach vnd entschuldigung befunden/ der sol also angenommen/ vnd in verwarung bis auff den morgen zu weiter verhörung des Rectors oder Bürgermeisters/ enthalten werden.

Welche auch irer gebürlichen gelegenheit vnd notdurfft nach/ die nacht vber die Gassen weberen vnd gehen wollen/ die sollen ire Leuchten haben/ Auch mit keinem Hauptgeschrey einiger vnzucht/ sich vermercken lassen/ so aber einer oder mehr gerechtfertiget würden/ der sol im das zu Klagen/ nicht vrsach fürfassen. Jedoch sollen die Friedswarter oder Wechter/ guten vnd zimlichen bescheid gebrauchen/ Es were denn/ das sich der ander theil freuentliche auffenthaltung/ oder leichtfertiger rede erzeigen würde/ gegen demselben/wie es die notdurfft erfordert/ sollen sie im gebürlich zu handeln wissen/ vnd in massen wie obgemelt/mit der annemung vnd verwarung/ bis zu der verhör enthalten.

Damit auch in vnser Vniuersitet Wittenberg/auffrühr/ conspiracy/ vnd viel vnguts/ so draus entwachsen/ so viel möglich verhütet/ So ordnen wir hiemit ernstlich gebietende/ das forthin alle vnd igliche Studenten vnser Vniuersitet Wittenberg/ ob inen Klagens von nöten/ so offte sich das begeben möchte/ sich enthalten/durch sich selbs/ oder andere/ so sie darzu bitten/ hauffend für den Rector zukomen/ vnd ire klag fürbringen/ sondern sie mögen nicht mehr/ denn vngesehrlich selb drey oder vier/ mit gebürlicher zucht vnd demut/ ire notdurfft dem Rector anzeigen/

C ij vnd